

Nik, IÑIGO ROLDAN CATALAN jaunak, Oñatiko Udal idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioko funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, **Tokiko Gobernu Batzarrak, 2022ko abenduaren 22an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

23.- Onartzea, hala badagokio, Alkateak gai honi buruz egindako proposamena: Oñatiko ikastetxe eta guraso elkarteei 2021-2022 ikasturtearen dirulaguntzen zuriketa eta bigarren ordainketa onartzea.

Alkate-udalburuaren 2022ko abenduaren 21eko proposamenak dio:

Gaia: Oñatiko ikastetxe eta guraso elkarteei 2021-2022 ikasturtearen dirulaguntzen zuriketa eta bigarren ordainketa onartzea.

2022ko abenduaren 20an egindako euskara-hezkuntza batzordean aldeko irizpena jaso zuen ondorengo proposamenak, hezkuntza teknikariak eta Batzordeko idazkariak (Iñaki Akizu Agirre jaunak), ziurtatzen duenez:

“15.-Oñatiko ikastetxeak eta guraso elkarteak diruz laguntzeko arautegia. 2021-2022 ikasturtearen zuriketa eta bigarren ordainketa onartzea.

Herriko ikastetxeek eta guraso elkarteek 2021-2022 ikasturtearen barruan gauzatu asmo zituzten ekimenak biltzen zituzten proiektuak aurkeztu ondoren, bakoitzaren balorazioa egin zuen Hezkuntza zerbitzuak eta 2022ko maiatzaren 26ko bileran Tokiko Gobernu Batzarrak zegokion diru-laguntza proposamena onartu zuen, honako baldintza ezarriz:

.- Onartutako diru-laguntzaren %60ko diru-kopurua ordainduko da orain, eta gainontzeko % 40a irailaren 30erako justifikazioak aurkeztu ondoren ordainduko dela jakinarazten da.

Justifikazioak aztertuta honako proposamena egin du Hezkuntza teknikariak:

2.021-2.022 ikasturteko dirulaguntza likidazio proposamena. Ikastetxeak eta guraso elkarteak.

**2.021-2.022 ikasturteko dirulaguntza likidazio proposamena.
Ikastetxeak eta guraso elkarteak.**

Guraso elkarteak	2021-2022 dirulaguntza	% 60	Behin betiko dirulaguntza	Bigarren ordainketa. Likidazioa
Gurelohe GE	1.695	1.017	1.049	32

Ikastetxeak	2021-2022 dirulaguntza	% 60	Behin betiko dirulaguntza	Bigarren ordainketa. Likidazioa
Txiki-Txoko haurreskola	428,75	257,25	362,5	105,25
Oñati BHI	6.630,5	3.978,3	6.458	2.479,7
Urgain- Errekalde Herri Eskola	8.942	5.365,2	5.640	274,8
Elkar Hezi	27.957	16.774,2	27.718	10.943,8
	36.954	22.172,4	36.954	14.781,6

Txantxiku Ikastola				
--------------------	--	--	--	--

GUZTIRA X80.157€ (+6.843 €)

78.182 (+8.818 €)

Aurrekontua 87.000 €

Euskara-Hezkuntza Batzordeak Tokiko Gobernu Batzordeari proposatzen dio Hezkuntza Departamentuak kudeatzen dituen programaren kontura eman diren 21-22 ikasturteko dirulaguntzen likidazioa onar dezala.

Dirulaguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak (887/2006 Errege Dekretua) eta Udalaren Dirulaguntzei buruzko Ordenantza Orokorrak ezarritakoa kontuan hartuta.

38/2003. Legean nabarmentzekoak dira artikulua hauek:

30.2 artikulua: *“Justifikazio-kontua ematea onuradunaren edo erakunde laguntzailearen nahitaezko egintza da, eta bertan sartu behar dira, aitortzailearen erantzukizunpean, gastuaren egiaztagiria edo dirulaguntzaren xedea bete dela egiaztatzeko balio juridikoa duen beste edozein dokumentu. Justifikazio-kontuaren forma eta hura emateko epea dirulaguntza publikoak arautzen dituzten oinarrietan zehaztuko dira.”*

34.3 artikulua: *“Onuradunak diru-laguntzaren xede den jarduera, proiektua, helburua edo portaera gauzatu izana justifikatu ondoren ordainduko da dirulaguntza, dirulaguntza arautzen duen araudian ezarritakoaren arabera. Justifikaziorik ez badago edo lege honen 37. artikuluan aurreikusitako arrazoiren bat gertatzen bada, dirulaguntza osorik edo zati batean kobratzeko eskubidea galduko da.”*

36-43 artikuluetan Diru-laguntzen itzultzea arautzen dute. 38. Artikulua honakoa dio:

“1. Itzuli beharreko zenbatekoak zuzenbide publikoko diru-sarreratzat hartuko dira, eta, kobratzeko, Aurrekontuen Lege Orokorrean aurreikusitakoa aplikatuko da.

2. Diru-laguntzen arloan aplikatu beharreko berandutze-interesa diruaren legezko interesa izango da, ehuneko 25 gehituta, Estatuko Aurrekontu Orokorren Legeak beste interes bat ezarri ezean.”

Jasota dago kreditu egokia eta nahikoa dagoela.

Gainera, 32/2018 Foru Dekretua, abenduaren 27koa, Gipuzkoako toki-sektore publikoko entitateen barne kontrolaren araubide juridikoa erregulatzen duena, bere 3. Artikuluan 1 eta 2 ataletan honakoa xedatzen du:

“1. Tokiko sektore publikoaren jarduera ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.

2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira, bai eta haietatik eratortzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela.”

Azaldutakoagatik, euskara-hezkuntza batzordearen proposamena ikusita, Tokiko Gobernu Batzarrari honako hau proposatzen diot:

Lehenengoa.- Euskara-hezkuntza batzordeak egindako proposamena eta onuradunen likidazioa onartzea.

Bigarrena.- Aipatutako gastua onartzea 2022ko aurrekontuko dagokion partida eta bere lotespen-mailaren kargura.

Hirugarrena.- Onuradunen %40ko diru-laguntza ordaintzea.

Laugarrena.- Ebazpen honen iragarkia laburtuta Gipuzkoako Aldizkari Ofizialean argitaratzea. Argitarapen honek banakako jakinarazpena ordezkatzeko du; eta jakinarazpena egiazkotzat joko da eta bere lege ondorioak izango ditu ebazpena argitaratu eta hurrengo egunetik aurrera. Interesdunek Oñatiko Udaleko webgunean (<https://www.xn-oati-gqa.eus/eu>) kontsultatu ahaliko dute ebazpenaren eduki osoa.

Bostgarrena.- Diru laguntza hau Diru-laguntzen Datu Base Nazionalean (DNS) argitaratzea.

Seigarrena.- Erabaki hau kontu-hartzaileari, diruzainari eta teknikari sustatzaileari jakinaraztea.

Gaia aztertuta eta kontuhartzailearen ondorengo aldeko oniritziaren baldintzapean (32/2018 Foru Dekretuaren 2.3, 7.1 a eta 13 artikuluekin bat etorriz) Tokiko Gobernu Batzarrak aurreko proposamena onartzea erabaki du aho batez.

Ziurtagiri hau dagokion akta onartu baino lehen ematen da, eta ohartarazita geratzen da, 2568/1986 Errege Dekretua, azaroaren 28koa, Toki Erakundeen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean ageri den datan.

Alkatearen O.I.

IDAZKARIA

Izaro Elorza Arregui

Iñigo Roldan Catalan

